

Lágmarkseinkunn (meðaltal) til þess að útskrifast frá viðskipta- og hagfræðideild er 6,0.

Stúdent í námi til M.S. prófs skal hafa lokið prófi eigi síðar en þremur árum eftir innritun. Stúdent í námi til cand. oecon. prófs skal hafa lokið prófi eigi síðar en sex árum eftir skráningu. Stúdent í námi til B.S. prófs eða B.A. prófs skal hafa lokið prófi eigi síðar en fimm árum eftir skráningu. Deildin getur veitt undanþágu frá þessum tímamörkum ef veikindum eða öðrum gildum ástæðum er til að dreifa.

Gildistökuákvæði.

Reglugerð þessi tekur þegar gildi. Um leið falla úr gildi ákvæði XII. kafla reglugerðar fyrir Háskóla Íslands nr. 98/1993, með áorðnum breytingum, sem birt var í A-deild Stjórnartíðinda.

Háskóla Íslands, 16. desember 1999.

Páll Skúlason.

Pórður Kristinsson.

15. desember 1999

Nr. 903

REGLUGERÐ

fyrir verkfræðideild Háskóla Íslands.

1. gr.

Stjórn deildarinnar er í höndum deildarfunda, deildarráðs og deildarforseta.

Deildarfundur hefur úrslitavald í öllum málum, sem deildin er bær að taka ákvörðun um. Fundi skal boða bréflaga með minnst viku fyrirvara, ef kostur er. Dagskrá skal greina í fundarboði.

Deildin gerir tillögu um ráðningu í starf prófessors, dósents eða lektors og framgang milli starfa og eiga fulltrúar stúdenta á deildarfundi þá ekki atkvæðisrétt.

Deildin setur reglur um nám eftir því sem þurfa þykir. Deild tekur lokaákvörðun um kennsluskrá fyrir birtingu í bók eða á netinu.

Deildarráð heldur fundi eftir þörfum. Fundi skal boða með dagskrá og með þriggja daga fyrirvara, ef því verður við komið.

Í deildarráði eiga sæti auk deildarforseta, varaforseti deildarinnar, einn fulltrúi úr hverri skor, og skal hann vera formaður skorar, einn fulltrúi aðjúnkta, kjörinn úr hópi þeirra á sameiginlegum fundi í mars ár hvert sem deildarforseti gengst fyrir, og tveir fulltrúar stúdenta, kjörnir af félagssamtökum þeirra til eins árs í senn úr hópi fulltrúa stúdenta á deildarfundum. Nýkjörið deildarráð tekur til starfa við upphaf háskólaárs. Deildarforseti boðar fundi og stýrir þeim, en varaforseti í forföllum hans. Skytt er að boða til fundar, ef rektor, þriðjungur deildarráðsmanna eða ein skor æskir þess. Fundur er ályktunarfær sitji hann meirihluti deildarráðsmanna. Afl atkvæða ræður úrslitum mála. Falli atkvæði jöfn, þá ræður atkvæði deildarforseta eða þess er gegnir forsetastörfum. Deildarforseti ákveður, hvort fara skuli með mál sem trúnaðarmál. Gerðir deildarráðsfunda skulu bókfærðar, og skulu þær lesnar og staðfestar, áður en fundi er slitið. Innan tveggja vikna skal senda þeim fundargerðina, er sæti eiga á deildarfundi.

Deildarráði er heimilt að fjalla um öll mál er deildina varða, en ákvörðunarvald hefur það aðeins í þeim málaflokkum, sem deildarfundur hefur afsalað sér ákvörðunarvaldi í,

meðan slíkt afsal stendur. Ætíð má þó skjóta máli til deildarfundar, ef deildarforseti eða þriðjungur deildarráðsmanna æskir þess.

Deildarráð sker úr um hvernig kennslugreinar deildarinnar skiptast milli skora, gerir tillögu um ráðningu aðjúnkta og ákveður, í hvaða skor kennari eða forstöðumaður rannsóknarstofu á sæti. Enginn getur átt sæti í tveimur skorum.

Deildarforseti er yfirmaður stjórnáslu deildarinnar. Deildarforseti annast framkvæmd á ákvörðunum deildar (þ.e. deildarráðs og deildarfunda) og nýtur til þess aðstoðar skrifstofu deildar og skrifstofu háskólans. Hann hefur frumkvæði að mótun heildarstefnu fyrir deild, forgangsroð verkefna og hefur eftirlit með notkun fjárveitinga deildarinnar og stuðlar að samstarfi og samræmingu við aðrar stjórnáslueiningar háskólans.

2. gr.

Deildin skiptist eftir fræðigreinum í skorir eftir því sem efni standa til, svo sem: Rafmagns- og tölvuverkfræðiskor, umhverfis- og byggingarverkfræðiskor og véla- og iðnaðarverkfræðiskor.

Á skorarfundi eiga sæti prófessorar, dósentar, lektorar og aðjúnktar í kennslugreinum skorar, forstöðumenn rannsóknarstofa, er lúta deildinni og starfa á fræðasviði skorarinnar og tveir fulltrúar stúdenta kjörnir ár hvert af félagssamtökum þeirra, og taka þeir sæti á skorarfundum við upphaf næsta háskólaárs. Formaður skorar getur með samþykki hennar boðið öðrum kennurum í kennslugreinum skorarinnar fundarsetu um skeið án atkvæðisréttar. Deildarforseta er heimil þátttaka í meðferð mála í hverri skor, en atkvæðisrétt á hann þó aðeins í sinni skor.

Hver skor kys eigi síðar en í mars ár hvert formann úr hópi prófessora, dósentar og lektora skorarinnar. Varaformaður er kjörinn á sama hátt og formaður. Sé þörf annars varamanns, skal kveðja til skorarmenn eftir starfsaldri. Starfstímabil miðast við upphaf kennsluárs.

Formaður skorar er ábyrgur gagnvart deildarforseta varðandi ráðstöfun á fjárveitingum skorarinnar. Hann hlutast til um ráðningu stundakennara í samráði við umsjónarkennara.

Skor heldur fundi eftir þörfum. Skyld er að boða til fundar, ef deildarforseti eða þriðjungur atkvæðisbærra skorarmanna æskir þess. Skorarformaður boðar fundi bréflaga með þriggja daga fyrirvara, ef unnt er, en einstakar skorir geta þó haft annan hátt á fundarboðun. Fundarefni skal greina í fundarboði. Fundur er ályktunarfær, ef hann sækja eigi færri en helmingur atkvæðisbærra skorarmanna. Afl atkvæða ræður úrslitum mála. Falli atkvæði jöfn, þá ræður atkvæði skorarformanns eða þess er gegnir formannsstörfum. Gerðir skorarfunda skulu bókfærðar, og skulu þær lesnar og staðfestar, áður en fundi er slitið.

Hver skor fer í umboði deildarráðs með málefni kennslugreina sinna, ákveður námsefni og tilhögun kennslu og prófa, ákveður skiptingu umsjónar með kennslu milli einstakra kennara í skor, gerir tillögu til deildarráðs um nauðsynlegar fjárveitingar, ný störf, ráðningu aðjúnkta og ráðstöfun kennslu til annarra skora og deilda.

Skor gefur deild álit sitt varðandi ráðningu í starf prófessora, dósentar eða lektors, sem ætlað er að starfa við skorina, og eiga fulltrúar nemenda á skorarfundi þá ekki atkvæðisrétt.

Skorir gera í kennsluskrá grein fyrir námsskipan og skyldunámskeiðum innan aðalgreinar. Samval námskeiða er háð samþykki skorar.

3. gr.

Verkfræðideild veitir kennslu sem hér segir:

1. Til doktorsprófs (doctor philosophie), Ph.D.-prófs, í verkfræði á fagsviðum þar sem deildin metur að nauðsynleg aðstaða og sérþekking er fyrir hendi.

2. Til meistaraþrófs (magister scientiarum), M.S.-þrófs, í eftirtöldum greinum verkfræði: Byggingarverkfræði, iðnaðarverkfræði, rafmagnsverkfræði, tölvuverkfræði, umhverfisverkfræði og vélaverkfræði. Ennfremur í öðrum greinum verkfræði, sem deildin ákveður og fé er veitt til. Skipan námsins miðast við að það taki fimm ár og er heildarnámið minnst 150 námseiningar.

Deildinni er einnig heimilt að taka í M.S.-nám þá nemendur sem lokið hafa minnst 90 eininga háskólanámi. Í hverju tilviki ákveður deild skipan M.S.-náms fyrir þessa nemendur og er framhaldsnámið minnst 60 einingar.

3. Deild getur veitt B.S.-gráðu (baccalaureus scientiarum) þeim nemendum sem lokið hafa þremur árum af M.S.-námi og minnst 90 einingum. Um nánari kröfur um greinar að baki B.S.-þrófi fer eftir námsskrá sem deildin setur.

4. Til prófs á tæknisviði (diploma). Námið er allt að 60 einingar og er ætlað til sérhæfðra starfa eða undirbúnings fyrir annað nám.

4. gr.

Stúdent skráir sig í aðalgrein við upphaf náms. Óski stúdent frávika frá námsskipan þeirri, sem gert er ráð fyrir í kennsluskrá, skal hann leggja námsáætlun sína fyrir hlutaðeigandi skor til samþykktar. Sama gildir, ef hann óskar breytinga á upphaflegri námsáætlun.

Stúdent er ekki heimilt að hefja nám í tilteknu námskeiði verkfræðideildar án þess að hafa lokið prófi í þeim námskeiðum, sem eru tilgreind í kennsluskrá sem nauðsynlegir undanfarar þess. Þó er skor heimilt að víkja frá þessari reglu í sérstökum tilvikum.

Stúdent er heimilt að sækja til skorar um að taka námskeið í öðrum skorum eða deildum sem verði metin sem hluti af námi hans til prófs frá verkfræðideild.

Hver skor getur sett nánari reglur um tímasókn og æfingaskyldu í námskeiðum og lágmarksframmistöðu stúdents í æfingum, til þess að hann öðlist rétt til próftöku.

Verkþjálfun.

Stúdentar við nám í verkfræði skulu hafa lokið ákveðinni verklegri þjálfun fyrir B.S.-próf. Verkþjálfunin skal í aðalatriðum vera fólgin í störfum á sviði þeirrar greinar, sem hann hyggst leggja stund á, samkvæmt leiðbeiningum í kennsluskrá.

Að jafnaði skal verkþjálfun fara fram á fyrsta til þriðja námsári. Heimilt er þó að viðurkenna störf sem unnin hafa verið eftir að 18 ára aldri er náð en minnst helmingur verkþjálfunar skal unninn eftir að háskólanámið er hafið. Tímalengd verkþjálfunar skal vera að minnsta kosti 16 vikur.

Deildinni er heimilt að viðurkenna þátttöku í verklegum námskeiðum í stað hluta verkþjálfunar.

5. gr.

Við einkunnagjöf má taka tillit til frammistöðu í prófum og æfingum utan reglulegs próftíma og veita fyrir hana sérstaka einkunn, hluteinkunn.

Til að standast próf í námskeiði þarf stúdent að hljóta eigi lægri próf- og heildareinkunn en 5,0. Til að ljúka M.S.-þrófi þarf stúdent að hljóta eigi lægri meðaleinkunn en 6,0.

Hver kennari ákveður vægi hluteinkunnar í námskeiði sínu, að teknu tilliti til reglna skorar þar um, og tilkynnir stúdentum í upphafi kennslumisseris.

6. gr.

Stúdent, sem ekki hlýtur tilskilda prófeinkunn í námskeiði, má endurtaka prófið einu sinni. Aðeins með sérstöku leyfi deildar er þriðja próftaka heimil. Við endurtekningu skal þreyta próf eins og það er haldið fyrir aðra stúdenta hverju sinni, nema skor ákveði annað.

Gildistökuákvæði.

Reglugerð þessi tekur þegar gildi. Um leið falla úr gildi ákvæði XIV. kafla reglugerðar fyrir Háskóla Íslands nr. 98/1993, með áorðnum breytingum, sem birt var í A-deild Stjórnartíðinda.

Háskóla Íslands, 15. desember 1999.

Páll Skúlason.

Pórhur Kristinsson.

Nr. 904

22. desember 1999

AUGLÝSING

um takmörkun á innflutningi tiltekinna matvæla frá Belgíu.

1. gr.

Auglýsing þessi gildir um innflutning frá Belgíu á eggjum, eggjavörum öðrum en eggjahvítu og alifuglum, svínnum og kjötvörum úr þeim. Hún gildir einnig um innflutning á próteini og fitu sem unnin er úr framangreindum hráefnum og innflutning á unnum matvörum sem innihalda sömu hráefni og þar sem magn dýrafitu er meira en 2%. Auglýsingin gildir þó ekki um unnar vörur sem sannanlega innihalda 2% eða minna af eggjum eða 2% eða minna af eggjavörum sem innihalda 10% eða minna af fitu úr eggjum.

2. gr.

Auglýsingin er sett til að tryggja að afurðir úr alifuglum og svínnum sem fengu díoxín-mengað fóður á tímabilinu 15. janúar til 1. júní 1999, eða unnar vörur úr þessum afurðum, séu ekki til dreifingar hér á landi.

3. gr.

Innflytjendur matvæla sem falla undir ákvæði 1. gr. skulu framvísa vottorði í samræmi við ákvæði ákvörðunar Evrópusambandsins nr. 1999/640/EB og viðauka þeirrar ákvörðunar. Ef ekki er unnt að leggja fram slíkt vottorð er innflutningur vörunnar ekki heimill.

Ef vara sem auglýsing þessi tekur til er hér á markaði við gildistöku hennar er eftirlitsaðila heimilt að gera kröfu um að innflytjandi leggi fram staðfestingu skv. 1. mgr. og skal þá stöðva dreifingu vörunnar þar til hún liggur fyrir. Geti innflytjandi ekki staðfest að varan sé ekki menguð með díoxíni skal hún innkölluð.

4. gr.

Matvæli sem sannanlega eru framleidd eða unnin úr hráefni sem framleitt var fyrir 15. janúar 1999 eru undanþegin ákvæðum þessarar auglýsingar.

Komi upp ágreiningur um hvort tiltekin vara fellur undir ákvæði auglýsingarinnar skal eftir atvikum Hollustuvernd ríkisins eða embætti yfirdýralæknis skera úr um hvort leggja beri fram staðfestingu vegna efnainnihalds hennar. Heimilt er að kæra niðurstöðu Hollustuverndar ríkisins til umhverfisráðherra og yfirdýralæknis til landbúnaðarráðherra.

5. gr.

Eftirlit með framkvæmd auglýsingar þessarar skal vera skv. ákvæðum 22. gr. laga nr. 93/1995 um matvæli, sbr. og III. tl. ákvæðis til bráðabirgða í lögum nr. 7/1998 um hollustuhætti og mengunarvarnir.